

續修四庫全書

《續修四庫全書》編纂委員會編

續修四庫全書

上海古籍出版社

一四八七・集部・別集類

鉅水齋詩集十七卷詩別集二卷詩話一卷附錄一卷（鉅水齋詩集卷十至詩話）	〔清〕舒位撰……………一
詒晉齋集八卷後集一卷隨筆一卷	〔清〕永瑒撰……………一三二
簡莊文鈔六卷續編二卷 河莊詩鈔一卷	〔清〕陳鱣撰……………二三一
吳學士詩集五卷 吳學士文集四卷	〔清〕吳肅撰……………三一
天真閣集五十四卷外集六卷（天真閣集卷一至卷十）	〔清〕孫原湘撰……………五一九

餅水齋詩集卷十

大興舒位立人

元默闡茂

鐵簫歌贈朱亦林

鐵厚一寸射而洞驚起秦臺紅尾鳳乘風飛度廣寒橋霓裳
法曲傳靈籥生不逢東坡居士遊赤壁清風明月無聲色更
不見淮南書記吟青山二十四橋春夢殘爐火溫噉唾壺缺
不鑄黃金鑄白雪深山大澤無人蹤一斛珍珠六州鐵不知
誰冶南陵梅秋色寸寸繞指來蒼龍紫蚓繡苔錦線穿月
紛葳蕤四壁成都小垂手玉律春寒消九九吹參差兮續離
騷爛嚼紅霞口戕口節之以岑牟金石漁陽颯和之以大江
東去銅琵琶銀河吹笙小兒女矧乃人世雙紅牙蕤賓一方
何處得胡牀三弄無人識不如舞作王鐵槍省倚市門饒乞
食

餅水齋詩集卷十

一

青衣孫福以其所作和穆湖主人詩來謁穆湖蓋王仲
瞿所居仲瞿去年留詩南下乃詠落花者今攜屬和延
佇瓜期其佳句若韶華一度蜂含蜜心事三春燕剩泥
亦仲瞿之所欲言也爲書一詩付之

自有春愁自不知生花筆寫落花詩蛟龍波浪迷前路桃李
興臺戀故枝屋上雌雄烏亦好社前風雨燕猶遲分明一樣
琵琶語忍俊明如獨去時

余前詩有琵琶彈出雁門關句
福亦云中原無地葬明如尤妙

陳檢討填詞圖

萬口歌塵一手填花無聊賴酒無邊人間白髮三千丈袖裏
房絲五十弦謠作洞簫王諫議傳來井水柳屯田忍將詞賦

拋絲竹到底中年勝暮年

此髯鴉鬢兩絲絲畫出剛逢禿阿師樂府雙聲南北調
南曲一套蔣心餘題北曲一套制科千載後先時圖袁子才爲序三生不
作無情物一卷能行本事詩想見傳神阿堵裏閨年留得好
春遲

圖成於康熙戊午閏三月釋大仙所寫

身世中吳少保孫辟疆風調似梅郎

檢詩二十以外出入
愁飄然竟從梅郎遊

東山絲竹棋無局南部烟花扇有痕素女圖中顏色好黨人
碑後姓名存泥他銷暑重裘者絲繡香熏記此門

當年閒寫太無聊紅倚芙蓉綠坐蕉杜牧狂言驚一座馬周

水色過三朝

梅杓司詩朝來日者橋邊過爲詩功名似馬周殘山賸水還留戀對影

聞聲未寂寥直得梅花詩百首此魂銷後又重招

餅水齋詩集卷十

二

飄泊張融岸上船商量支遁買山錢除非一箇陶元亮想要
歸家便有田

朱公從此擬陶公三徑斜陽畫不紅肯畫桃花與流水便應
招我此圖中

仲瞿至自吳門頃走訪之忽移寓護國寺旁嫌其與弊
居稍遠以詩達意

一年南北又花開鏡下芙蓉雷裏梅誰與公榮飲酒者恰逢

匡鼎說詩來每當會合思聯句爲愛居停近辯才只在東華

門裏住轆轤惆悵送人回

畫船短簿祠前月笨轂長安道上風月色到船江水白風聲

轉轂市塵紅人天離合情何限爾我悲歡事不同若肯出門

西向笑橫街只有此蘄蘄

余居彭二衛街極西

題仲瞿住穀城之明日謹以斗酒牛膏合琵琶三十二
弦侑祭於西楚霸王之墓詩後

彈斷琵琶一曲銅小娘雲雨大王風酒澆黃土魂來黑詩咽
烏江浪打紅帳下美人歌駿馬天涯兒女拜英雄九原若有
重瞳子又見龍門太史公

烟香灰劫閉佳城未死千秋萬歲情海內文章留杜默江東
子弟送田橫龍蛇故國成何戀雞犬新豐自可營一谷泥丸
三月水果然草草殺韓生

過橋三步舊東阿鬼唱秋墳客渡河宿草塵沙吳地盡亂山
絲竹楚聲多蕭條宋玉招魂處墓爲前泰安太守宋公懷慨
思仁所修立碑紀事王郎拔劍歌最恨神叢傳檄者雌朝調語太蹉跎

原詩

王 曇

餅水齋詩集卷十
殺城山曉雲蒼蒼
五體竟天亡明分天下資劉季誤讀兵書負項梁留部
孤蘆全漢在英雄成敗太淒涼

秦人天下楚人弓枉把頭顱送馬童天命何曾私赤帝大
王失計戀江東早摧函谷收圖籍何必鴻門殺沛公明縱
咸陽三月火讓佞叟敬說關中

黃土心香一刳塵英雄兒女我沾巾生能白版爲天子死
剩烏江一笑人壁裏沙蟲親子弟烹來功狗舊君臣戚姬
脂粉虞姬血一搥君恩不庇身

同作

孫原湘

一杯熱血奠幽宮空際靈旗颯楚風死有人爭分五體生
無天命枉重瞳范增不解留韓信項伯徒知走沛公百戰

河山成底事誰將成敗論英雄

玉玦三看赤帝愁鴻門一誤又鴻溝無心殺季真仁度并
力除秦是本謀獨棄關中酬故將平分天下與諸侯雌雄
劉項分明在本紀原應楚出頭

杜默清狂有替身檀槽鐵撥爲迎神敢將文字翻遷史欲
弔英雄用美人鬼馬怒嘶陰雨夜山花紅作戰場春霸陵
弓劍長陵土一代匆匆萬劫塵

贈王四少尹

朝蘭

趙北攀楊柳湘西聽鷓鴣與君離別久況我性情疏絃誦拋
年月音書隔道途今朝相見晚掩口笑胡盧

蕭寺西廊下紗籠一點塵山中無宰相林下有夫人花氣過
亭午茶煙颺暮春牙籤三萬軸觸手尚如新

餅水齋詩集卷十

四

記得河間府庭槐臥晚霞婆娑吟此樹飄泊傍誰家白馬三
更雪黃河六月樣何如北窗下跛脚鼓琵琶

二十四福字能停幾片雲子由空四海阿買張三軍老話青
苔榻閒情白練裙城南韋杜曲惆悵又斜曛

團扇夫人曲爲王仲瞿孝廉題團扇圖 有序

晉中書令王珣悅嫂婢謝芳姿婢製團扇詩贈珣以

珣嘗手持白團扇也仲瞿分宗琅邪賈廡吳會將於
短主簿祠旁穿徑礮石奉夫人香火仍屬嘉耦雲門

氏寫秋風小影微詩紀事云

渡江桃葉春潮綠腸斷青團扇子曲秋風吹鬢又雙飛明月
入懷才一握誰家蝴蝶過牆東街出飛花一面紅謫來天上
氤氳使留得人間蕉萃容櫻桃樹下相思路一撲流螢有人

妬祇應花裏送郎歸胡爲泥中逢彼怒團扇團扇淒以秋不
遽離恨只遮羞縱然老婢聲能詠還問小郎圍解不嫁不爲
炊有時有叔亦不癡女無偶未聞姐已賜周公險把奈軍配
新婦此事分明寶月圓此情惆悵綵雲端阮家人種迫無馬
秦女衣裳畫有鸞班姬才調明妃色卻扇千金傾一國夢向
烏衣巷裏遊歌從白紵詞中得琅邪才子舊情癡曳雪牽雲
有所思浮家恰傍眞娘墓畫壁先題后土祠十萬鴛鴦兩團
扇婢學夫人君不見願取朱陳邨裏人化爲王謝堂前燕石
城艇子虎山橋勸酒琵琶乞食簫題成列女圖三丈譜入神
弦曲一條

• 題昭明閣內史畫蘭扇子

絕代佳人老畫師空山臭味不差池費他一滴金壺水寫到

餅水齋詩集卷十

五

花歌葉舞時

半窗朱鳥閣春陰深寫梅梢淡寫心絕憶湘人詞賦裏雪花
如片夜彈琴

祿事纔修扇影多天花香散墨池波阿儂家近蘭亭子吹慣
春風晉永和

于忠肅公祠

在表背胡同
卽公故宅

保邦容易保身難如此頭顱擲一官誰遣兒童歌雨帝終教
天子坐雲端力翻北宋蒙塵局事異西周禱疾壇留取數椽
香火地讀公前奏涕洟瀾公有辭賜第疏云況朝廷多
事之秋非臣子安居之日

手轉乾坤豈偶然長安棋局劇堪憐周旋骨肉無書讀斷送
功名以夢傳相傳公難采紫芝求四皓膽開碧草染三年瀟
瀟孤注平城計留與疑人夜看天

淵孤注平城計留與疑人夜看天

朱野雲斷牆老樹圖爲石敦夫題

朱公示我斷牆老樹圖石公索我斷牆老樹詩之二人者我
所思之二物者我所知一在極樂寺一在太清觀雞林宰相
購眞形龍門太史作合傳此牆此樹誠無雙突兀一堆空一
腔彼牆彼樹偏天下不斷不老不詩畫獨不知築牆爲某年
種樹是何意亦不知先築牆後種樹何在南城太清觀何在
西門極樂寺牆如殘碑樹如枯柴墻斷若坐樹老而臥客之
來兮秋涼攬風景兮斷腸懨懨丹青韻宮商合則雙美兮離
則兩傷蓬萊清淺須彌小嗚呼墻斷樹亦老是墻是樹有絕
期非墻非樹無盡道無有墻樹無有諸煩惱胡爲畫之題之
不肯休一墻一樹名一愁宿泥剝剝鬼所謀孤根盤盤匠所
鑿殷齒不到風馬牛烟花點綴蟲雕鏤嗟乎嘻吁鐵圍山
攔不住紅桑花種何處神仙換劫佛滅度如是因緣不知數
一爲極樂寺中墻一爲太清觀裏樹此際無情似有情此時
有句如無句若云面壁來何不乘查去

餅水齋詩集卷十

六

唐稚川表兄來京相見距癸丑歲別於沂州忽逾十稔
感事述懷不能無詩

與君去住各無邊到此相逢亦偶然上國春風三月底東山
零雨十年前詩城堅壁愁能破人海浮家恨未填牢記心中
千萬語每當把臂具難宣

高臺費盡萬黃金但買荆軻一片心睫在眼前難自見因生
髀裏感人深當歸草向山中寄解語花從鏡下等只是一篇
毛穎傳誤他三世去來今

十樣蠻箋寫未休洪喬眞作致書郵替人言語終難肖與我

周旋始欲愁舉案且教春廡下種川眷屬時僑濟南捉刀猶自立床頭

思量一事軒渠甚不作家雞作野鷄

清風涇上讀書聲何苦天涯海角行山水有功詩敗事文章

無福酒成名戴逵門外通宵雪謂戴松南婢聲余與種川昔讀書清風涇上同主其家

周昉圖中昨日鶯此指為種川題梅仙圖事圖為種川陳涇南秀才所寫今松南涇南皆已下世矣

破被篇

讀書萬卷讀不破走入破被堆中臥雞既鳴矣凡幾聲蟲其

間者凡幾箇或曰屍可棄我不忘其敝或曰衾可補我非五

雜組不相離別轉相親我用我法橫自陳芙蓉城裏蒙頭入

鸚鵡洲邊伸脚出一年又一年春秋冬夏無不然萬里復萬

里東西南北而已矣蜀錦重無片段吳綿團團逸其半參

餅水齋詩集卷十

七

來羅漢五百尊幻出觀音十一面彈斷銅琵琶拔出鐵袈裟

石破天驚逗秋雨中有殘夢恒河沙君不聞湖州唐六歌有

口又不見揚州朱八畫有手唐猶及見未破時朱獨相憐已

破後今茲襖被春明門車如雞栖馬如狗黃竹箱中什襲藏

青苔榻上周旋久被兮被兮可奈何世間破被有許多安得

盡遺朱八作畫唐六歌我乃化為蝴蝶夜夜飛天魔

破被詩為鐵雲作

唐以封

昔年聚首楓谿曲篝鐙相對奇書讀統如五鼓始肯眠破

被蒙頭如蠅縮後來同買青亭舟酷暑蒸入漿汗流手推

破被眠不得河隄塌席驚沙鷗水蚊無聲偷飲血周身受

困惟存舌富貴難忘細席言不許小兒腳踏裂彈指別離

逾十霜相逢日下喜欲狂雞鳴風雨如夢寐齷齪破被仍

堆牀我因見之長太息人生不如破被得留君破被識君

題破被圖

朱鶴年

冷被多年鐵打圍杜陵舊雨送將歸替他絲筆傳春夢一

夜鴛鴦破壁飛

十年禪榻睡魔消留得姜肱被一條還似霓裳初出破青

天補石月修簫

朱八野雲好畫古舊服物見余破被橫陳早便留意

及讀唐六種川詩欣然點筆傳神阿堵不啻冷煖自

知乃并書歌圖後裝池以贈種川它日歸夢東山當

復一府傳看黃琉璃也壬戌夏四月鐵雲識

餅水齋詩集卷十

八

題孫子瀟孝廉把酒祝東風種出雙紅豆圖

匆匆二十四番花醉殺中山賣酒家四壁芙蓉誰綠綺一箱

鸚鵡又紅紗竟無消息金泥字最有因緣玉畫又牢記鬱輪

袍一曲也應彈破舊琵琶

世世燒成九轉丹年年打就兩疑團樽前種樹三生老鏡裏

拈花一笑乾蓮粉空房心自苦梅陰深院齒曾酸箇中滋味

能相似青鳥飛來不許看

吳興太守老填詞寄與孫郎帳下兒楊柳枝添殘月唱旗檀

香近逆風知三條燭冷看成碧九陌塵空化作緇留得天王

珠在手殺花聲裏咒相思

酣來擊筑俄吹簫北轍南船兩路遙住亦天涯仍咫尺生猶

同世未蕭條軟紅風土花遶影慘綠衣裝酒借澆何不贊鸞

香火社人天色相大家描

雨夜與仲瞿讀子瀟天眞閣詩集卽書其紅豆圖後

讀曲生紅豆題詩采白蘋三杯無等呪一卷有情人妙手文章得離懷道路真西窗今夜雨點點細如塵

憶我親朋字論交孰可傳王珉團扇底孫楚酒樓邊香占夫妻福

中子瀟學詩於瞿仲瞿婦工畫春泰子弟禪詩城過百雉強似大羅天

落花詩

一帽山花忽訝光看他同日詠霓裳最難聽處三更雨始欲愁時一陣香珠玉九天殘咳唾江湖滿地舊文章白雲鄉裏分明路錯認溫柔作故鄉

年年紅陣戰蜂分七寶牙幡偃暮雲不剷除非錢樹子遲開難舞鬱金裙空枝裊裊簾前立小草萋萋陌上熏末路才人

餅水齋詩集卷十

九

新寡婦蔡文姬對卓文君

隨藍風起偏天涯點點恒河有數沙獨坐將軍留大樹微吟宰相占梅花泥黃欲傍誰家燕陰綠能藏幾箇鴉儂在傾脂河畔住

其地有落花橋者橋名字太繁華

十二層臺百尺梯綠章香案候潮雞碧憎霍雙鸞眼紅踏荒荒四馬蹄仙爪太長桑換海禪心漸老絮沾泥當初肯築移春檻孤負金鶯恰恰啼

殺風景事絕風流錦樣年華水樣愁井底胭脂門外虎林間裙展閣中牛三通敗鼓催消息九錫疑文費校讐宛轉蜨蜨驚蛺蝶驚英狼藉野花秋

紫玉衣裳碧玉簫浪傳生日是花朝殘燈飄蕩難成夢冷酒淋漓不受澆一窖冬烘元氣盡九邊春信笛聲驕不如捉住

青鸞尾萬斗香塵一擔挑

月夜過蔣楚生刺史水月禪林寓居閒話並邀仲瞿歸宿見香室攜續本事詩借讀一過作詩記之

豔絕虹亭本事詩南朝金粉北胭脂百年花月傷心語一夜烟雲過眼時繞座自參女子定借書不讓古人癡相看何物酬清興鑪篆三熏燭半枝

題長相思圖

長相思遠離別江南江北楊柳多一夜東風落如雪別君黃雲城城頭日暮棲身驚思君白玉堂堂中春深歸燕翔水流花謝無顏色天長地久無消息昔爲卷中人今爲陌上塵昔爲素女符今爲倩女圖樂莫樂新相知愁更愁長相思相思者誰君知之君不知之君別離

餅水齋詩集卷十

十

南飛鷓鴣北飛燕來時去時不相見東邊日出西邊雨無晴有晴不得語不語不見豈不思思之思之無已時此身但恨別君早此心直爲思君老春雨落梅秋風掃苦風雨如此君胡不來君不來長相思燭有淚蠶有絲

冥冥來上珊瑚牀先爲蝴蝶後鴛鴦入夢記夢出夢忘夢短不抵相思長古之傷心人乃以巫峰一十有二處朝朝暮暮爲雨雲朝聞而東東暮呼爲真真還君明珠雙淚落天上人間好樓閣彈箏篴而聲淒淒寫鳳紙而情薄獨不見靈媧補天乃漏精衛塞海海更溜死不必買青山生不必種紅豆爲君三疊長相思一池春水多吹皺

奚岡聽松讀書圖爲邵叢題

蒼龍參天萬風亞石上流泉仰而逐客有相賞松石間橫埽

鶯谿當結夏君家半畝園六月賣無價我聽落花聲年年被
花罵相逢一笑兩紅塵歸去急將人面研畫松之手能畫風
聽松之耳聽不暇進可作謝幼輿退不失蕭思話或是王摩
詰科頭箕踞長松下徑嚼松花與松化攔出秋山青一眾君
坐讀書我讀書

雜言八首與唐六稚川話別

別君已十年見我無一月於此唱驪駒能無少留歇春風吹
酒旗不飲醉兀兀千佛經之名千里馬之骨且當舸逐鴟慎
勿壁見蠍
不挽兩石弓彼一眞福將但讀半論語此一賢宰相老大畫
蛾眉蛾眉有十樣罪首王安石鞠躬諸葛亮秋烘而春烘烘
出冬烘匠

餅水齋詩集卷十

士

行脚十萬里不過一老僧蠹魚不識字三食道德經海外碧
海碧山外青山青漢武欲成仙梁武欲成佛成仙生服藥成
佛死喫蜜

雞鳴與狗吠兄嫂當知之鶴怨與猿驚驚祿固可辭不患名
不立而患德未滋事親無他道但如初生時交友無兩端但
如新相知

我有絕交書不畏錢神怒黃標復紫標後福前定數銅山賜
鄧通枵腹難鼓鑄金屋貯阿嬌拆賣長門賦兒女癩如雷都
爲兄所誤

好名如好利患失不患得銅臭與餅香一樣不可食埋頭鑽
故紙字字如鴉黑試問梅都官弓衣何處織下馬草露布必
上馬殺賊

買酒不買醉種花不種香書券不書字擒賊不擒王飢亦知
菽粟寒亦知衣裳身有七尺強面有一尺長如何一寸眼乃
無一寸光

天地慳功名英雄重離別功名千百年離別在一瞥杏花雖
自開不如折柳絲桃花雖自肥不如采華芝身非菖蒲花會
有相見時

底子法梧門先生枉顧竝索題詩龔圖會脂車南下卽
此呈別

三生香火九州烟遲到靈山二十年北斗四星韓吏部東風
三月杜樊川懷中書刺都唐滅簾裏恩情忍棄捐屬寫團圓
恨史公牛馬走盤盪還有舊詩篇來索先檢詩稿
絕頂茅菴最上乘畫師詞客關谿藤是誰說士甘於肉有此

餅水齋詩集卷十

士

居官冷似僧石鼓巖宮前祭酒玉堂青史夜然鐙東歸花樣
殘絲曲欲繡平原恨未能

天涯芳草綠無痕騎馬雞栖與重論戶限功名多失意選樓
詞賦易銷魂鶯花天上成千里烟水江南又一邨賴有鯉魚
三十六定隨秋浪到龍門

荅示仲瞿話舊之作十首

苦竹關山細柳營中間篝火有狐鳴丁巳余偕王備兵自燕赴金竹軍營行次詩昌
遇教兵符夜遊紅娘子女賊齊王氏由楚竄豫林據保安驛遂走武關天榜春歸白
玉京已未余還自海外東坡傳九死言余已被害人間南
斗注三生襄城令巫宜傷心墨子回車地冷聽霜鐘十八聲
返轡萬祥符大相國寺者二十日

戰鼓隆隆雨點銅苗俗最重銅鼓峇山并水苗俗最重銅鼓古南籠苗俗最重銅鼓改南籠苗俗最重銅鼓

義府苗以山之高者 先生鬚髮三千白 逆苗韋朝元納號七
章太媳婦頭顱八百紅 妖婦王囊仙自稱皇德 會與諸侯觀
壁上不妨女子在軍中 當從征多戰績 彼妹年十八號治無敵
日萬峰絕頂中秋月親見 裙刀殺賊功 八月十五夜就擒
據當丈王據洞酒皆 巢穴之險峻者也

檄難蜀勒燕然于古文章好便傳 來詩才子文章山鬼泣
十通苗人識字者誦之轉相 洞裏竟將生虎縛 閣中誰取大
告語皆泣拜投誠不復反矣 寶僚列請議敘余耻 雌雄劍老
牛鞭 初苗平當事者以幕府寶僚列請議敘余耻 雌雄劍老
埋雙氣長短書成賸七篇 不賞邊功緣底事 將軍福命相公
權時和揆領吏部與威勒侯 無意不相中疏入格不能行

漸漸秋風上短衣 東轡蒞菜一舟飛 余從楚南杜陵廣厦今
無恙 借住沈松廬 廉訪易成南華老屋今已 彭澤迷途昨更
無恙 借住沈松廬 廉訪易成南華老屋今已 彭澤迷途昨更

非在軍中可致作縣令 五角六張天上夢 千山萬水客中歸
浪遊不厭腰纏重 爲問揚州鶴可肥

泉橋杳杳夜無聲 仲瞿時寄 謬被公卿識姓名 霹靂編成方
技傳 前都御史吳公仲瞿甲寅舉主也 疏薦仲瞿語多不類
百里雄雷 聖明洞察有 旨免究 僅與吳放歸田里 仲瞿詩

露靈驚 王導半片簾 餘霞庚水遠 遺飛實也 中年烟雲圍住矣人
城往來 雲門乃備筆 自給求者 踵至其畫亦由此 蓋工
陽大俠拳猶老 卿老拳者 未必即此 李陽綱京師大俠石勒所謂飽
太守李基 王衍清談掌自鳴 萬章稱按掌作 記否東西支遁
同薦故云 王衍清談掌自鳴 萬章稱按掌作 記否東西支遁

巷大羅天外兩書生 余以時自 歸還訪仲瞿於 家巷是歲
海曲長沙笑口開 天然蹤跡不須猜 余借終方伯入楚仲瞿
臨王閣序中語爲笑 及辛酉重來 都下仲瞿贈詩云 吳娘暮
雨瀟瀟去楚客 秋風嫋嫋來 半部離騷山鬼識 楚人有新夢

廟者其義詩皆摘取 一聲檀板水仙灰 仲瞿嘗作王翠翹
九歌中字句爲之 從花外揚鞭走排 出金銀太半臺 仲瞿自吳門至浮海至大
小欽山沙門島所撰七言律詩若秦東 門望仙門及海市諸作皆奇偉可喜
書鬼癡符選佛場 語言容貌兩茫茫 辛酉大挑見葉榜發又
升天雞犬饒嘗鼎 有誦仲瞿乙卯落卷起地龍蛇冷逼牀 夏
京師大水金有平 西紀兩詩仲瞿時已 食肉僧逢楚懷素 仲
還歸來詩所謂送 我南船抱白龍 是也 余依天津令 暗中有
鐵舟同住一樹園 借書車訪沈東陽 沈小如縣齋 暗中定有
牽絲者鮑老當筵笑郭郎

吳船似屋與家浮 載得閨門一段秋 仲瞿嘗買一舟貯書 忍
換浮名官不許 日餘即螺也 螺舟老人言近於 卷且非名而
似別字矣 癖耽佳句賊能偷 余錄仲瞿七古詩一卷於 篋而
遂弗許 紅男綠女花三味 手觀門氏所撰 虎邱四 面 玉笛銅弦生一

耶 仲瞿近所作唐六如墓及西 如此江山如此客人言愁始
我猶愁 墓詩後三首 如此江山如此客人言愁始

忙過槐花又杏花 春明門外即天涯 文星墜地頑於石 老女
當梁小似茶 來詩原註唐制子午卯酉爲當梁年女子不嫁
稱元遺山詩學 來詩原註唐制子午卯酉爲當梁年女子不嫁
念新詩似小茶 三轉男身新綠裏 仲瞿來詩死胎三墜或生孩蓋
斥云一雙鬼眼舊紅紗 仲瞿去年留別詩云 卯丙辰辛酉凡三
相識不記尋常百姓家 坊發不

漫說泥金帖子看 仲瞿題余珠卷詩云 也買胭脂畫牡丹 買
金帖摩挲銅狄視 刀鐔門咫尺成千里 五屋東西住兩間
十種神仙逃赤籍 半房兒女累青山 仲瞿浙人而嘗居吳不
須折盡長亭柳 留與他人歲歲攀

來詩

王曇

戎鼓喧天一柱銅蠻鄉兵幕瘴鄉風書生汗馬髀無肉妖
女囊仙血尚紅才子文章山鬼泣婦人茶火大王雄中年
空索從軍筆不乞平夷一字功

些些招魂不到家青山白面又長沙三間血祭叢祠字太
傳承塵破廟花賀老琵琶怨場屋禰衡鸚鵡戀天涯巴江
烽火瀟江月愁夢湘娥十二髻

神龍風雨殺豬婆送我南船抱白鼉下第書生留大命公
車舉子踏天河水官解厄城三版仙女療飢米一螺留得
姜肱粗布被大床已被惡龍拖

五色明珠一斛才大羅天榜又橫開紅紗古鬼魔宜退老
女當梁嫁也該名將七禽終得賊死胎三墮或生孩金丹
火字泥金紙逼得鐙光響爆來

餅水齋詩集卷十

五

詩派

詩派圖成有別裁江東羅隱又空回雲英已嫁方千老送出
開門節度來

出都之次日宿白溝示仲瞿

銷除水厄舞山香秋雨春風各一場社酒三杯送歸燕車輪
四角笑亡年連年僕被人如夢每夜籌鐙話最長比似來時
笨快意不教關吏看詩囊

半樹斜陽起暮愁白溝河水抵鴻溝腰腰碧草埋酣戰撲面
紅塵悔浪遊歌罷數錢逢姪女飢來傳食到諸侯軒渠鑄錯
桑維翰一硯磨穿十六州

題仲瞿重過西楚霸王墓詩後

一樹白楊風開門葬魯公人歸三月後詩滿兩山中駿馬魂

猶汗轅牛血可紅銅弦鐵綽板重與唱江東

原詩

王曇

大難山後小雞前馬血人燐一冢烟白帝山河五十步半
公碑版二千年伯才遇主談何易轅下無牛祭不虔亦有
烏江歸去客穀城山下又留連

同作

孫原湘

憤王墓上草先秋如此興亡一哭休七十戰纔餘寸土入
千人恨不同耶時來雉亦烹功狗事去人爭笑淋猴顛顛
孫郎重下拜江東歸去有扁舟

瘞僕篇

唐金保臨桂人病歿兗州余爲瘞之城西門外觀音
庵左側官隙地既書其姓名里居生死年時於石仍

餅水齋詩集卷十

六

爲是詩存吾集中

四月杏花飛主人出郊宿老僕載後車睽睽張兩目云是酒
病發低昂如醉竹鬲上住已難簪下然更蹙蹙爲爛竿頭波
及河魚腹苦口百味藥搖頭半孟勑行行重行行錄錄復錄
錄廿七過盧溝廿八憩涿鹿十日抵兗州端五及初六攜僕
入店眠祝我一雙轂三更鐙熒熒其氣時斷續四更馬蕭蕭
五更雞喔喔耳風鼻火中忽有血如漉奮然臥而僵日上黃
茆屋當時一杯酒身外四周木埋之陶家側秋草淒以綠生
死有常期痛爾無骨肉爾生西南隅爾死東北麓事我十年
餘共我千里逐隨爲係丈夫旅乃喪僮僕既掩張進骸難繼
易牙躅僕精治紙灰不直錢酒債債已足太息爲此詩蕭條
不可讀

與孫子蕭席子偁王仲瞿登兗州城南樓

青衫葉葉寫風聲古意躊躇五字城
亂世奸雄漢丞相破牆絲竹魯諸生
雲連南北東西路人有悲歡離合情
比似武昌樓上客胡牀孤負月華明

趙味辛司馬權知兗州置酒少陵臺送別

白首千間屋青山百尺臺
懷人新舊史送客淺深杯
東海浮雲去南樓細雨來
三年笑皮骨得句重低徊

稷契空相許風騷自總持
三篇大禮賦一代盛唐詩
老尚依人慣生應恨我遲
千秋勞悵望況是別離時

東郡趨庭日當年最少年
可憐垂老別不幸以詩傳
身受全家累官隨去國遷
岱宗青未了誰辦草堂錢

時重修東魯書院於其旁爲工部祠

餅水齋詩集卷十

七

曲阜拜 聖人林下

也列門人弟子行百端交集此茫茫
生無煖席悲行路死有深衣記閉房
四尺崇封雷雨避兩楹殘夢地天荒
杏花壇上春歸去腸斷東君一瓣香

少年嬉戲壯遨遊鐵絕三搥老未休
劫火紅燒秦月令史才青削魯春秋
出家仙佛開生面入穀英雄到白頭
十二萬年無大過著書纔不負窮愁

讀書容易廢書難初志蕭條晚節寒
半部功名輸吏牘一堂歲月誤儒冠
身非咒虎琴三弄道在蠹魚缺再彈
爲是絕糧仍負米飽嘗粗糲百年餐

行次費縣遇雨縣令遣人來迎宿館兩日於脂車時題詩館壁爲謝

輓轡惆悵水成窩纔到城根驟雨過
山接崑崙饒古意客來燕趙尙悲歌
平生一飯恩難忘此券三書路較多
比似未陽賢令宰黃牛白酒笑如何

蒙山歸雲歌

五更騎馬蒙山道雲裏雞鳴雲外曉
行人出店雲歸山雲比行人行更早
一雲忙又一雲閒雲雲斷續山巒顏
忽然四面天如笠但見浮雲不見山
依稀辨得雲中樹看雲恨不留雲住
山靈一笑候雲歸昨夜雨聲在何處
雞黃團團日三丈東來山不知青天
蕩蕩風吹之太行山上遠遊子彭澤
縣中絕妙詞人生出處有時有變幻
浮雲翻覆手在山雲靜雲白衣出山
雲動雲蒼狗雲兮歸來山之中山易
撰翠山花紅慎勿

餅水齋詩集卷十

七

角逐相上下有人夜半騎白龍
回望泰山雲嶽嶽東蒙山頭泰山足
待我男昏女嫁時襍被蒼烟就雲宿
雲兮歸來我欲歸朝朝暮暮是耶非
心知西北高樓遠目極東南匹練飛

雨夜書李家庄壁

分明避雨入山行行盡山阿雨不晴
何必人間望天上只消七十里郟城

昨渡沂河水到腰東來馬首意猶驕
再添一夕風雷雨濕過桃花第幾橋

山莊雞黍話綢繆老屋三弓火半篝
收入王維圖畫裏鬱輪袍曲下場頭
是夜仲瞿寫東山聽雨圖

清河逆旅贈別歐陽棣之 所還金陵

雞狗辛酉壬戌文章恩品題槐花忙過舊輪蹄
浮生似夢三條燭

癸丑與狹路相逢一斗泥雨遇崎嶇道中駒日光陰都老大鱗紅消
息總淒迷長淮浦上通宵月直送先生到竹西

已渡黃河又渡江家山點點入船窗春歸王母山香曲秋在
吳娘水調腔送客風烟詩紀事借人畏壘酒開釭石城艇子
長千里準擬閒時打槳雙

舟次贈別席子侶孝廉卽書朱野雲畫扇後

何苦長條送短驂依然烟水過江南私情鳥身圖中急公案
龍華劫後參三月落花同逐客一袍青草佩宜男子侶時尚未有子

扁舟他日齊門路認得虞山碧似簪
風流儒雅寸心知相對何曾臭味差質廡幸猶憐我近還家
翻是別君時前宵風雨輪生角後會江湖鬢有絲要遣動搖
懷袖裏那邊圖畫者邊詩

銚水齋詩集卷十

九

卽次鐵雲見贈原韻爲答並別仲瞿 席世昌

買就扁舟脫卻驂一江烟月向東南窮途得遂還家樂多
病從求真訣參露布軍門降鬼子鐵雲嘗從征風帆海市
訪童男仲瞿自登州來此行許逐豪情後醉折花枝笑共簪

元白才名世早知同聲吹徹玉參差家居烟水相通地歸
趁鱸魚最好時鸞鳳爭調佳耦瑟珊瑚欲拂釣人絲功名
一映浮雲外那及長留幾卷詩

酬別子瀟

解識相思獨有君眼中餘子亦紛紛衣裳遠夢催刀尺風雨
深談接展裙千里放還真快事一篇跳出卽奇勳把君詩句
當君讀正是江東日暮雲

擬卜南邨話歲寒便將馬策換漁竿歌從欸乃聲中聽家在

迷離畫裏看歧路關心近瓜步故鄉回首渡桑乾風神豈是
無情者相見難時別亦難

泊淮浦守風與鐵雲並船話別 孫原湘

小市橫街乍識君落花同詠雪紛紛詩名早記紅紗壁書
法爭求白練裙絲竹春聲蕭協律樓臺曉夢杜司勳南來
一種風情勝莫念家山望北雲

清淮六月水聲寒小泊檣舫日半竿此去江山如畫好向
來花月並愁看百年交誼醇常醉一路題詩墨未乾寄語
前途風莫轉到家容易別君難

阻風高郵州

貪看湖心種白蓮石尤風起夜無邊連宵好夢長淮月半世
虛名下水船剖鯉書隨潮信至盟鷗客狎浪花眠商量明日

銚水齋詩集卷十

十

添枝艣搖到揚州只半天

飄鸞泊鳳自塗鴉曉色沉沉臂碧紗居士能爲翻水偈丈人
真是逆風家帆迴滄海迷三島石壓銀河老一桡漸作嫩涼
增客思衣裳葉葉鬢沙沙

三朝三暮正徘徊如此波濤且未回留我水光銷暑去看人
帆勢破空來忍捐羽扇閒無用橫卷漁簑撒不開何似江南
畫船裏風斜雨細過黃梅

蕭晨登岸賽神還賦罷雌雄笑客頑大塊文章多假借八公
草木太闌珊又看暮色來湖外不覺秋聲在樹間那得落霞
孤鶩句峭帆飛過馬當山

平山堂作

纔離城市便無塵酒海詩天載一輪萬斛閒愁初漲水十年

殘夢再來人癸丑園林鐘鼓無常主烟月文章賸此身已過

江鄉銷夏候半山天氣尚青春

與仲瞿宿虎邱蒼霞山房曉起看荷榭驟雨有作兼示

武昌鐵上人

眼不看長安花腰不跨揚州鶴腳踏紅船晴渡江直向虎邱
山下泊登山夕陽猶在樹鐵舟所住吾亦住一笑見鐵舟一
別三兩秋我從別後攜玉笛三弄黃鶴樓漢江鴨綠不變酒
五月梅花亂打頭師不食武昌魚我不騎瀾橋驢同來拜佛
王摩詰笑殺吹簫伍子胥功轉之榻司業牀東西兩夢分秋
涼夢醒不聞黃米熟但聞荷花香起來看花花出水樓角朝
霞紅似海一時飛雨過山前山人看但蒼靄匆匆迴棹又
離羣一宿微茫水國分有我題詩了來意妙蓮華上妙鬘雲

餅水齋詩集卷十

圭

山塘過陳亦園夜飯並懷龍雨樵先生

明鏡風下繫船痕喜有詩人不閉門花裏隱居連綠水酒邊
閒話愛黃昏已銷塵土三春夢且荷盤殮一飯恩後夜垂虹
亭畔路相逢相別兩銷魂亦園吳江人

西抹東塗結客場停橈相問是同鄉題詩豈便提黃鶴買紙
居然貴洛陽亦園手寫同調集一卷皆余與雨樵楚中
倡和之作而樵前宰吳江故與亦園相識一片
豬肝君未累千金馬骨我難償青蒼吳楚遙相憶回雁峰頭
字幾行

金六桐門邀同仲瞿泛舟山塘送別

畫船簾影夕陽摩消得當時酒一螺七里樓臺燈火上中年
親戚別離多杏花已賣清明雨鷗鳥難馴浩蕩波聽慣畫舸
橋下水夜深欸乃又搖過

沈賓谷冊生別駕柳西把卷圖

愛趁南湖夜月舟郎君東閣記勾留宅邊種樹陶元亮架上
藏書李鄴侯石氣翠沾三亩水茶烟青埽一房秋是誰寫作
清涼境況我風塵久倦遊

往歲漁陽雨不晴北條龍水卷沙聲治中別駕才初展溝洫
河渠志早成一畝宮閒懷嘯詠十年書破笑科名遲君他日
凌烟閣鶴渚鷗波有舊盟

初僑禾中汪翠亭甥倩與甥女蘭岩俱至於其迴棹後
作詩寄懷

十年風雨唱催租到得今年錐也無記取秀州門外水鴛鴦
飛去是南湖

情話西窗夜翦燈論詩已在最高層三年夢斷梅花社又與

餅水齋詩集卷十

圭

青山打葛藤

蘭岩謂其遊龍井詩中如下瞰西湖船似鴨夕
照雷峰不見塢皆近宋人句法余別西湖至此
年矣

梧桐鄉裏纔移具楊柳灣前亦比鄰容易三間茆屋底太平
世界苦吟身

蘭岩鈔寄西湖舊遊詩因題其卷遲便寄之

段橋東去水雲寬隔歲扁舟趁暮寒好景最須佳句寫名山
難得美人看舊遊飛夢秋三市芳訊乘潮月一盤三十六鱗
多鄭重題詩容易寄詩難

爲人題豆棚閒話圖

清淺茶鐺濁酒杯秋聲香送豆花開不須更糴桃花米蒜友
瓜朋日日来
水天閒話隔重簾未抵涼陰四面添償盡人間言語債夜深

殘夢一鄉甜

田園雜興儲太祝裙屐風流晉右軍些子韶光阿堵裏桑麻雞犬亦紛紛

留髡送客太荒唐野島山花此擅場只要一年天氣好三家邨裏話農桑

三千說法諸天碧廿一彈詞野史青等我南樓清興發也來搬與大家聽

相逢行贈陳髯序瑣明經

初見我無鬚君鬚尚猶黑再見我有鬚君鬚已全白及今凡見三黑白各如昔始知伎倆窮不能再變易就更數十年兩鬚揀一擲不問黑白外復可變他色俱蠱蟄混沌凡事逢其適未必賢不肖一一造尺籍三年一甲科天亦不甚惜百年

餅水齋詩集卷十

重

一胎生人亦不甚積佛家論感應弱者懷衾戟仙家語飛昇強者服金石或然或不然可責可無責殊塗而同歸數百千萬刻聖人有憂之乃章甫縫掖創造名利字成就智愚癡始但損精神終必奪魂魄定例衆俱蠱死年不滿百爲善不肯死毒之以飲食爲惡不肯死勸之以刑辟善惡皆不爲生死聽白擇棺下無譏焉水火刀兵疫或曰太不仁我謂最上策止此幾畝田止此幾兩帛同飢不同耕同寒不同織死不如無生固怨天地迫生若竟不死又恨天地窄有死無生人誰與其晨夕有生無死人勢難再開闢十有二萬年可知所損益鬼神妖怪奇聊取備一格富貴與貧賤令彼互相役恩愛與冤仇令彼迭相嚇細數萬牛毛橫爭一駒隙娟娟飾體體汲汲待窀穸數十寒暑男女不勝劇否則太寬閒何術消

遺釋乃知四無常羅列在几席所以三不朽猶賢乎博奕此非獨我然正恐想君亦君能不爲官我難不作客且歌相逢行巨躍者三百君髯若肯掀吾髯正堪摘

登巢雲閣望虞山有懷子瀟子儁

蕭蕭落木響江關高閣憑欄徙倚間畫舫風歸三弄笛夕陽簾卷一樓山音迷空谷人如玉秋在扁舟客未還何日共來城市裏支持傲骨話離顏

虎邱竹枝詞

幻出閭浮色界天青山綠水兩橋邊不知誰障牙籌者細算他家樹上錢不須別館起芳名何苦扁舟載遠行只有東山王主簿二千

餅水齋詩集卷十

重

春隄風嫩草纖纖綠上裙腰一道黏不信山塘真七里弓弓量過繡鞵尖茉莉花開蝴蝶飛湖船女兒買花歸北人不識簪花格了髻山前雪一圍五月龍船八月鐙綺羅簫鼓水層層阿誰讀破鴛鴦譜只有巢雲閣上僧韋蘇州後白蘇州僥倖香山占虎邱四面紅窗懷杜閣一甌花露仰蘇樓埋骨青山隔幾春英雄沾盡女兒巾五人之墓千人石爲活千人死五人論片玻璃載酒船船窗還要紫檀邊因屏風裏黃金穴壓扁山塘水底天

低頭小立寺門陰未了齋僧舊願心放下禪堂三十棒幾時
羅漢請觀音

不文不武岸上郎不男不女船中娘如此好船不肯坐央人
牽馬上山塘

上山蜂螳下山鶯派與楊花管送迎是妾看郎郎看妾分明
當面不分明

兩岸園林夾酒樓冶坊濱外最清幽吳兒使船如使馬再出
一回水轡頭

纔施脂粉態生嬌偶弄絲弦韻易調定有風流衣鉢在真娘
顏色伍胥蕭

袁衣仙肉身塑像

元張昱廬陵集詠何立事詩注云宋押衙官何立秦

餅水齋詩集卷十

圭

太師羌往東南第一峰恍惚引至陰司見太師對岳

飛事令歸告夫人東窗事犯矣復命後即棄官學道

蛻骨今在蘇州元妙觀爲袁衣仙

叢祠香火日平西南宋衣冠膺此奚立地神仙生斗柄熏天

富貴死夫妻半窗殘夢癡人說一路燒香餓鬼啼定有蒲團

公案在鐵鞭聲裏過泥犁

漆身非癘亦非狂比似那吒願未償宿草遮攔窮骨節爛泥

包裹臭皮囊六陵霽靈冬青樹一笛瞿瑜地藏王明現凡胎

來說法何曾野史太荒唐

說鬼猶當妄聽之做人況有笑啼時但留隗順隗卒聲郭王郭王著生何

益可惜施全死太遲成佛屠刀腥有血搽神史筆禿無枝便

教直抵黃龍府十八層中暗不知

秋潭橋別仲瞿

桑下人三宿山前月半鉤簫聲吳市散帆影具區浮詩冷紅
楓樹香銷紫綺裘昨宵飛夢處七十二峰頭

泛宅船錢貴行厨飯量加袖中東海石仲瞿贈江上兩梅花
是日得法祭酒讀畫收寒具澆詩喫苦茶舟中事篷窗對床

語還似坐同車

棋局觀成敗鏤灰書淺深歲寒遊歇脚夜靜事當心星角占
雙劍風懷老一琴因緣時起滅惆悵到如今

來去堂前燕雌雄屋上烏中流歌翠被隔岸見黃姑有僕攜
載乃爲別驢券猶三紙鳴夷亦五湖西京舊僮約相視笑胡

盧散復有新買一僮仲瞿前寄余詩有呼童許
杵臼全家載烟霞到處招花開越王陌人渡浙江潮去指西

餅水齋詩集卷十

圭

興驛歸經北麗橋移居吾用里肯爲一停橈

倚櫂過城北抽帆入剡中亂鴉千樹合淺水一橋空人影初

斜日湖波欲轉風與君時錄別愁苦亦難工

雪夜懷仲瞿西湖寓居

北風生雪雪殺風玉山崢嶸銀海空中有兩客差可擬西湖

南湖三百里君住西湖頭我住南湖尾西湖淼淼水雲間南

湖濛濛烟雨裏三十六天花影籠八十一點消寒圖我從南

湖憶西湖不知今夜西湖雪還似南湖雪也無生不願鄭公

騎驢霸橋上歇後詩成作宰相又不得裴公夜入蔡州城打

起一池鵝鴨聲徑須去貫旗亭酒筵笛年年怨楊柳忽憶會

稽山樵朱百年送婦還家無一錢初聽蟹沙沙仰視龍衙衙

坐燼銀荷葉開出白符花姪娥抱鏡避三舍玉女投壺粲左

車瀛洲玉塵不論屑天公歡喜人離別我住南湖尾布被冷
於鐵夢中七十二簷簷撲帳楊花春不熱君住西湖頭西湖
梅花愁更愁前身一箇紅藤杖曾向孤山絕頂遊青山一點
芙蓉落比似林逋太漂泊妻當梅花子當鶴君亦草泥吟郭
索我不能如君家子猷夜坐船禁寒忍凍來至前且自圍爐
歌一曲趁夜航船寄君讀我寄君詩句短長君讀我詩聲斷
續雀啾啾雞喔喔相思一昔不相聞何不西湖喫飯南湖宿
祀竈日唐孟蕃秀才寄示與陸杉石太守飲酒詩附題
其後卻寄

殘冬冰雪避無臺一竈黃羊又送回酒債尋常詩債急春波
橋下鯉魚來

琉璃硯匣肅霜裘滿泛銀槎寄玉鉤只我筆如君帚柄可能

餅水齋詩集卷十

毛

橫埽一年愁

太守醉也可千日秀才康了時一中金谷之例罰不得吾詩
與酒皆無功

餅水齋詩集卷十



餅水齋詩集卷十一



大興舒位立人

昭陽大淵獻

讀天台志要新刻見宋左彛助教二詩余與助教久不
相聞詞詩如覩題後一首竝寄

我昨夢入天台山山花山鳥非人間夢中懷人私自語恨不
與君同往還雄雞一聲了夢事不見天台山但見天台志寸
寸濃皺群玉圖行行密密寫珍珠字中有瀑布灑石梁一縱一
橫勢莫當要得奇詩掃奇境況是青天挂瑤鏡再過拍手厓
何處仙人賣酒家瓊臺百尺飛酒花勝於粒粒餐丹砂不知
君今何以設此想老我胸中四萬八千丈我夢既非假君詩
亦的真可惜當時入山去但有阮肇無劉晨與君一別凡幾

餅水齋詩集卷十一

一

春思君一見當幾旬十年各喫胡麻飯定有桃花笑殺人

月夜石梁觀瀑

宋大樽

我欲持北斗酌泉獻高穹道人但搖手其上橫蒼龍須臾
玉女鏡已挂瓊臺東照見水精簾空明千萬重天風莫吹
卷夜護神仙宮仙樂奏何時千春猶未終寒生五銖衣去
去莫留蹤願言觀日出騰身華頂峰

過仙人拍手厓

天仙大笑來人間可憐天上無青山白榆如錢落我手安
得瓊臺亦賣酒青山把酒樂如何不比仙官禮數多時乎
時乎仙亦不可以蹉跎

汪十一白號翠亭錢几山取以爲圖屬題一詩

種樹今無恙誅茆最有情兩家思舊賦一卷讀書聲標格逢